





古今歷代標題註釋十九史略通考卷四之下

前進士廬陵 曾 先 之 編次

松塢門人番陽竹窩余進宗海通考

宋

宋高祖武帝姓劉氏名裕彭城人也裕生而母

死父翹僑居京口將棄之從母救而乳之從去聲

寓居曰僑從母及長勇健有大志僅識字長上聲

謂伯叔母也小字寄奴嘗行遇大蛇擊傷之後至其所

猶略也見群兒搗藥裕問何為答曰吾王為劉寄奴所

寄奴  
王若  
不死

西涼  
亡

傷裕曰何不殺之兒曰寄奴王者不死裕叱之

即散不見為劉之為王者之王初參劉牢之軍

事嘗遣覘賊遇賊數千人裕奮長刀獨驅之衆

軍因乘勢進擊大破之裕由是知名覘丑占及

其後為將相二十餘年誅桓玄平孫恩盧循滅

南燕後秦卒受晉禪○西涼王李暠卒謚曰武

昭王世子歆立數年至是為北涼沮渠蒙遜誘

與戰殺之西涼亡為去聲○西涼自李暠儲號

○宋主裕殂在位三年改元者一曰永初太子

立是為廢帝營陽王以帝為徐羨之等所廢而

後凡言廢帝某王  
某侯者皆倣此

史斷曰宋武帝乘桓玄之亂首唱義兵奮臂

一呼兇黨瓦解遂奉迎乘輿再興晉室厥功

已不細矣既而治兵整衆經營四方揚旗東

征則廣固潰卷甲南趨則盧循滅偏師西上

譙縱授首銳卒北征姚泓面縛遂汎掃伊洛

脩奉園陵震驚旃裘之心發舒華夏之氣南

國之盛未有過於此者也惜乎席不暇暖舉

無居禮喪

千里之秦付之嬰孺引兵遽還志在篡國蓋一舉足而赫連氏已躡踵而入關中卒不復見中原之定可勝歎哉然迹其取國以來清簡寡欲嚴整有度被服布素遊宴絕希嬪御寡少不畜私藏孝于後母又詔幼主當朝母后不得預政此八者皆人君之要行而武帝兼之亦足以為一代之良主矣

廢帝營陽王名義符年十七即位居喪無禮遊戲無度○魏主嗣祖謚曰明元皇帝廟號太宗

魏主

太子燾立燾音道○書法曰魏於是始書祖晉亡也○宋主在位二

年改元者一曰景平徐羨之傅亮謝晦廢而弒之宜都王立是為太祖宗文皇帝南

史斷曰少帝體易染之資稟可下之質外物錯亂其心所欲必從其志將狎無度施為乖

戾徐羨之等廢而弒之自取之也

太祖宗文皇帝名義隆素有令望少帝廢迎入即位今少晉去聲○義隆武帝第三子也○夏主勃勃殂世子昌立

○晉徵士陶潛卒徵士被召不仕之士也○書法曰潛卒于宋書晉何潛心

素有望

陶少潛  
高趣有

魏執  
昌主

魏執  
昌主  
夏赫  
連定  
稱帝

靈運  
有罪

乎晉者也綱目潛字淵明潯陽人侃之曾孫

節故特書美之也潯陽郡名少有高趣嘗為章澤令八十日郡

督郵至吏白白應束帶見之潛歎曰我豈能為五

斗米折腰向鄉里小兒邪即日解印綬去賦歸

去來辭著五柳先生傳以自見少令為傳皆去

澤縣名屬九江應當也五斗米筮蹄謂月俸管

見謂日俸未知孰是折曲也門裁五柳故號五

柳先生徵著作郎不就自以先世為晉臣自宋高

祖王業漸隆不復肯仕至是終世號靖節先生

蓋法好廉自克曰節○魏人及夏戰于上邽執其主昌以

歸夏赫連定稱帝於平涼魏人追之敗績夏復

取長安邦音圭○上邽縣名平涼

熾盤卒世子暮末末立○燕王馮跋殂弟弘殺其

太子翼而自立○夏滅秦以秦王暮末末歸殺之

西秦自乞伏國仁僭號至夏主定擊涼吐谷渾

襲敗之執定以歸吐谷渾音土欲寇西夷國名

連勃勃僭號至是三○涼王蒙遜卒子牧犍立

○宋謝靈運有罪誅靈運好為山澤之遊從者

數百人伐木開徑百姓驚擾或表其有異志靈

靈運  
與兵  
逃逸

魏伐  
燕

魏伐  
涼

運詣闕自陳宋主以為臨川內史靈運游放自  
若有司糾之被收靈運執使者與兵逃逸作詩  
曰韓亡子房奮秦帝魯連耻追討擒之徙廣州  
已而棄市好從使皆去聲臨川邑名屬撫州  
尹氏曰靈運既仕宋而食其祿則與子房異  
矣興兵逃逸其志將何為哉

魏伐燕燕王弘奔高麗高麗下音離東夷國名後二年弘為高麗所殺

○書法曰燕書伐何晉亡而進魏於宋也○北燕自馮跋僭號至是二世凡二十八年而亡

魏主伐涼姑臧潰涼王牧犍降姑臧城名燕所都○書法曰魏

魏殺  
司徒  
崔浩

主及諸國主自是不名何無正統也○北涼自沮渠蒙遜僭號至是二世凡二十四年而亡

○魏殺其司徒崔浩夷其族浩自明元時已為  
謀臣輒有功信道士寇謙之勸魏主崇奉立天  
師道場受符籙而最惡佛法誅沙門毀佛像佛  
書魏主命浩脩國史書魏先世事皆詳實刊石  
立之衢路北人忿恚諧浩暴揚國惡魏主大怒  
遂案誅之惡佛之惡去聲恚音意恨怒也  
尹氏曰符籙之事前所未聞而始見於此魏  
主虔恭受之自宜神物後先而乃其身不保

宋主  
魏

然則果何益哉夫沙門居中國而從夷狄捨  
正道而尚異端棄君臣絕父子滅人倫毀形  
體游手游食以耗蠹民財其罪大矣誅而滅  
之不亦宜乎後之欲尊奉二教者可以鑒矣  
石氏原曰天師道場符籙不過惑世誣民竊  
財以自利而已原情定罪寔天地間一妖妄  
人也漢人目之曰米賊夫豈過哉

宋人大舉侵魏取碣磔圍滑臺魏主自將救之  
宋將軍王玄謨退走魏主引兵南下攻盱眙不

玄謨  
魏走

克進次瓜步宋人戒嚴守江魏師還

碣磔五勞反

城名今濟州是也滑臺即滑州屬河東野貽音  
于怡縣名屬楚州瓜步山名在真州○書法曰  
宋加魏書侵何忿兵也連先是宋魏連年互相

侵伐王玄謨勸宋大舉沈慶之諫曰耕當問奴

織當問婢今欲伐國奈何與白面書生謀之面

書生言其年少不歷事也宋竟遣玄謨取河南魏主聞之怒

曰我生髮未燥已聞河南是我地今天時尚熱

姑歛戍北歸俟河水合以鐵騎蹂之

蹂去聲蹂忍忤反○

燥熱姑且歛收也戍守兵也蹂踐也至冬魏主自將渡河衆號百

萬鞞鼓之聲震天地玄謨懼走魏人追擊大敗

之鞞音皮戰鼓也魏主引兵南下直至瓜步聲言欲渡

江建康震懼民皆荷擔而立荷上聲荷擔而宋

主登石頭城北望歎曰檀道濟若在豈使胡馬

至此道濟立功前朝老於用兵先是以讒被收

目光如炬脫幘投地曰乃壞汝萬里長城既誅

魏人聞之喜曰吳子輩不足復憚至是長驅無

能禦者壞音怪○幘巾也萬里長城宋人或欲

斬玄謨沉慶之止之曰佛狸威震天下控弦百

萬豈玄謨所能當殺戰將以自弱非計也佛狸魏太

武小字也控引弦弓當敵也魏師還殺掠不可勝計丁壯者

斬截嬰兒貫槊上盤舞所過赤地春燕歸巢於

林木自宋主即位二十八年間號為小康至是

兵革之後邑里蕭條元嘉之政衰矣勝音升槊音朔矛也

盤舞謂盤旋以為戲也赤地言焚掠盡也○魏中常侍宗愛弒其君

熹而立南安王余又弒余魏主濬立討愛誅之

初愛譖東宮官屬多坐誅死太子晃以憂卒魏

主追悼不已愛懼弒之後謚曰太武皇帝廟號

元嘉  
政衰

魏  
清立  
濬



宋太子劭

世祖

余太武子也潛晃子也東宮太子府也震為長男震屬木木位東方故太子宮曰東

宮

○宋太子劭巫蠱事覺赦不誅劭弑其君義

隆而自立江州刺史武陵王駿舉兵討劭誅之

書法曰書赦不誅何譏失刑也宋主在位三十年改元者一曰

元嘉武陵王立是為世祖孝武皇帝

史斷曰文帝躬勤政事侃侃忘疲性存儉約

不事侈靡加以在位日久網維備舉條禁明

密四境晏然戶口蕃息政平訟理惜乎內無

股肱之臣外乏爪牙之士以萬里長城之人

不免死於讒間之口而所與謀者不過白面

書生而已而又不量其力橫挑強胡使師徒

殲於河南戎馬飲於江津及其末路狐疑不

決卒成子禍豈非文有餘而武不足邪

孝武皇帝名駿

文帝第三子也

即位十二年殂改元者

二曰孝建大明太子立是為廢帝

史斷曰孝武因元兇之逆首倡義旅不逾月

間勦除逆亂師直為壯成功固宜即位未幾

沈湎于酒荒淫于色貪冒于貨嘲狎公卿誅



共掌機事太子立是為後廢帝

宋改揚州廣陵為南兖州承遺詔輔

嗣君曰顧命

史斷曰明帝頗好文義舊臣才學之士多見  
按擢然猜疑諱忌言語文字有禍敗凶喪疑  
似之語應回避者犯即加戮而又保字螟蛉  
勦拉同氣晚年以神器之重付諸李氏之子  
作宋史者當於明帝之崩直書劉氏之絕斯  
實錄矣

○後廢帝名昱明帝無子昱實嬖人李道兒之子

也明帝子之殺諸王十五六人惟恐昱之不立

十歲即位桂陽王休範舉兵反攻建康蕭道成

擊斬之道成為中領軍通鑑明帝嘗以陳妃賜

生昱遂立為太子明帝寢疾以昱幼弱深忌諸弟休祐休仁休若等皆賜死惟休範以人才凡劣不為所忌故獨全之 ○先是魏獻文帝弘傳位於太子

宏自稱太上皇帝以宏幼仍總萬機太上聰睿

夙成剛毅有斷而好黃老浮屠之學故常有遺

世之意斷好皆去聲○黃老黃帝老子也浮屠佛氏也其母馮太后有

所幸李弈為太上所誅太后怒遂弒之而稱制

魏帝  
位太  
宏

史記四下

爲去  
聲

尹氏曰古之聖主兢兢業業一日萬幾豈因  
厭逸樂而好勤勞哉所居天位所治天職祖  
宗基業之付託海宇民物之歸仰宵衣旰食  
猶恐弗勝烏有尊居人上而厭棄塵勞也哉  
魏主酷好老釋之學每引朝士及沙門共談  
玄理雅薄富貴一旦敝屣大位付之稚子舉  
大阿之柄委諸他人卒使禍起宮闈身死婦  
入之手悲夫雖然魏主屏去聲色超然物外

其與窮奢極欲者相去遠矣而乃不享喬松  
之壽反貽覆身之禍然則浮屠黃老之學果  
何益哉

宋主  
驕恣  
中憂  
外懼

宋主驕恣嗜殺中外憂惶蕭道成與袁粲粲褚淵  
謀廢立粲不可淵贊之遂弒之在位六年改元  
者一曰元徽安成王立是爲順皇帝

史斷曰蒼梧王異姓之子加以童孺之年冒  
僞類於呂秦暴虐浮於桀紂遊蕩罔節誅戮  
無常未五年間而遇弒識者謂天厭劉氏故

假異姓以絕其國耳

順皇帝名準桂陽王休範子也明帝子之至是  
即位○宋中書監袁粲粲謀誅蕭道成褚淵以其  
謀告道成粲父子俱被殺於石頭城百姓哀之  
曰可憐石頭城寧為袁粲死不作褚淵生沈攸  
之亦舉兵江陵討道成軍潰走而縊死道成為  
相國齊公加九錫已而進爵為王宋主在位三  
年改元者一曰昇昇明禪于齊泣而彈指曰願後  
身世世勿復生天王家齊弒之而滅其族宋自

蕭道成  
為齊公

高祖至是八世凡五十九年而亡

史斷曰晉氏渡江以來威靈不競戎狄橫驚  
虎視中原宋祖首興義兵糾合同志誅桓玄  
討篡晉之賊興復晉室固自以為大有功矣  
曾未幾時躬行篡奪既廢其主復以兵守之  
又逾月而弒之視桓玄之禍尤烈焉既而二  
子俱不得其死傳之六主皆不壽終豈無天  
道哉然自宋以後姦人急於篡國貪心愈銳  
不待再傳而亟取之如齊梁陳北朝以後諸

君朝謀夕取者比比而是也又可以驗世變之益衰人心之益薄矣悲夫

齊

○  
有有  
赤誌

齊太祖高皇帝姓蕭氏名道成蘭陵人也深沉有大量博學能文有有赤誌如日月狀宋時在軍中又民間或言其有異相宋疑之而不能殺也竟代宋誌與性清儉每日使我治天下十年當使黃金同土價在位四年而殂改元者一曰建元太子立是為世祖武皇帝

史斷曰蕭道成屬劉宋傾危蒼梧王暴虐百姓凜凜命懸朝夕當是時道成果有忠宋之心與袁粲等協謀廢黜異姓建立宗藩以隆宋祚為宋忠臣此上計也如其不然正蒼梧之偽冒明劉氏之已絕播告中外與天下放伐之然後王儉進易代之謀太后下宋終之詔事機脗合亦庶幾近正矣而乃自立順帝北面事之既已委質為臣又欲窺圖禪代取國未幾復行弑逆盡勦劉氏之族而殄其祀

焉難鼠鴟鴞奸計百出積惡勦業何以傳後  
齊祚之不長視六國最甚焉豈無故夫然其  
篡國之後以身率下以儉化民不御精細之  
物不好珠玉之玩內殿施黃紗帳官人著紫  
皮履珠奇異物棄毀不用而又訪政術於劉  
瓛詢得失於群臣亦足以爲一代之賢主矣  
武皇帝名曠即位十一年殂改元者一曰永明  
太子長懋已卒太孫立是爲廢帝鬱林王懋音茂  
史斷曰武帝纘位之初詔免逋租革晉宋之

弊政中外欣悅總攬攬大體每以富國爲先嚴  
明有斷郡縣久於其職長吏犯法封刃行誅  
故永明之世外表無塵內朝多豫百姓豐樂  
盜賊屏息雜宮室園囿頗好華靡然亦可謂  
齊之良主也

○廢帝鬱林王名昭業即位一年改元隆昌西昌  
侯鸞弒之新安王立是爲廢帝海陵王  
史斷曰鬱林地居長嫡瑕釁未彰而武皇之  
心未變周道故得保茲守器正位宸極旣而

德行鄙內作猜忌百生禍起宮闈身竟不保齊氏之亂胎於此矣

○

廢帝海陵王名昭文為鸞所立改元延興鸞自為宣城王王即位未四月廢而弒之宣城王自立是為高宗明皇帝為鸞之為去聲海陵王鸞林之弟也

史斷曰鸞林為蕭鸞所弒而立海陵王當是時軍國大事盡摠於鸞乘輿起居皆咨稟而後行則亦寄生而已矣

明皇帝名鸞高祖之兄子也高祖愛之過於已

殺高子無遺類

子而武帝之太子長懋最惡之及得志殺高武子孫無遺類即位五年殂改元者二曰建武永泰太子立是為廢帝東昏侯惡去聲

史斷曰蕭鸞殺番陽王鉞等七人未幾再行弒逆遂篡大位踐祚以來數行誅戮疑忌橫生術數是用既而自植植本根枝胤孤弱貽厥所授屬在凶愚用覆宗祊亦其宜也

司馬公曰明帝自以得於不義猜忌高武子孫誅夷殆盡深戒東昏以先事制人而大臣



疑懼禍變相尋卒亡其國夫不務令德而殺  
久以自安自古以來未有能濟者也

廢帝東昏侯名寶卷自在東宮不好學嬉戲無

度既即位不接朝士惟親信嬖幸屢誅大臣去好

音朝○魏主宏殂在位二十九年仁孝恭儉制

禮作樂蔚然有大平之風禁胡服胡語改姓元

氏遷都洛陽為魏盛德之主謚曰孝文皇帝廟

號高祖太子恪立按孝元改姓之詔曰北人謂

於黃帝以土德王故為拓跋氏夫土者黃中之色萬物之元也宜改姓元氏諸功臣舊族自代

魏改姓魏改

齊潘妃步蓮花生

來者姓或重復皆改之○齊主昏淫狂恣所幸潘妃以金

為蓮華帖地上使步之曰此步步生蓮華也左

右用事賦虐日甚帖當作貼太尉陳顯達先舉兵襲

建康敗死將軍崔慧景受命出討叛州還兵逼

建康時南豫州刺史蕭懿將兵在近齊主急召

入接慧景敗死以懿為尚書齊改歷陽為南豫州懿弟南

雍州刺史衍使人勸懿行伊霍故事不爾亟還

歷陽懿不能用竟賜死雍去聲亟音克○齊於襄陽置南雍州不爾謂

不能廢立也衍起兵襄陽引而東圍建康齊人弑

蕭衍圍

主而迎<sup>衍</sup>衍主在位三年改元者一曰永元時南康王先已自立是為和皇帝

史斷曰東昏既立嬉戲無度所寵左右嬖臣至呼為阿父阿兄而不耻親信宦官不與朝士相接誅鋤大臣發於倉卒人人不能自保矣未幾遇弒豈偶然哉

和皇帝名寶融明帝第八子東昏末寶融起兵於江

陵已而稱帝改元曰中興未及東歸齊太后稱制以蕭衍為相國封梁公加九錫尋進爵為王

衍封王  
梁公

齊主至姑孰詔禪于梁即位僅一年被弒齊自

高祖至是七世凡二十三年而亡

史斷曰蕭衍因伯氏被禍起兵襄陽遂移齊鼎當是時四海分裂人厭齊亂雖欲不梁其可得乎齊之為國運祚不長何哉蓋高祖以弒逆得天下明帝以猜忌殺宗親東昏繼之淫虐尤甚促其年代有自來矣然則國祚脩短雖係乎天而實人自為之有國家者尚鑒于茲

梁

○

梁高祖武皇帝姓蕭氏名衍齊之疎族也母張氏見葛蒲生花旁人皆不見吞之已而生衍英

達有文學東昏初衍鎮襄陽知齊將亂乃密脩武備聚驍勇以萬數伐材沉檀谿積茅如岡阜

驍音澆沈去聲○檀谿在襄陽城西山脊曰岡阜兄懿死衍建牙集

衆出檀溪竹木裝艦葺之以茅事皆立辦兵起

一年餘遂入建康受禪即帝位牙旗也軍行帳前建纛為牙門

又曰牙帳葺音緝覆也○魏主恪殂謚曰宣武皇帝廟號

脩武 備聚 驍勇

魏主 恪殂

世宗子詡立甫六歲母胡氏稱制及魏主既長

好遊騁不親視朝而胡后方淫亂魏政始衰長

聲好去聲朝音潮將軍張彝之子仲瑀上封事排抑武

入喧謗盈路立榜大巷尅期會集屠其家彝父

子不以爲意封事謂實封言事也尅期猶言約日也至是羽林虎

賁近千人相率至尚書省詬罵以瓦石擊省門

上下懾懼不敢禁討遂至彝第焚其舍曳彝父

子毆擊投火中仲瑀重傷走免彝死遠近震駭

胡后收其兇強入斬之餘不復治大赦以安

歡至洛陽

胡太臨朝

之貴者奔詬許侯胡茂二反懾之涉反○羽林掌送從虎貴掌宿衛無常負多至千人言其

勇猛如虎之奔騰也詬怒罵也懾恐畏也懷朔鎮函使高歡至洛陽

見張彞之死還家傾貲以結客或問其故歡曰

宿衛相牽焚大臣之第朝廷懼而不問為政如

此事可知矣財物豈可常守邪使去聲○陳氏曰懷朔鎮即朔

州屬山西歡祖謚坐法徙居其地歡娶婁氏有馬給鎮遂為函使宿衛直宿守衛宮禁之官

歡自先世坐法徙北邊遂習鮮卑之俗深沉有

大志與侯景等相友善以任俠雄鄉里如淳曰相與信

為任同是非為俠所謂權行州里力折公侯者也或曰以權力俠輔人也○魏胡太

后臨朝以來嬖倖用事政事縱弛盜賊蠭起封

疆日蹙弛施氏反憊怠也魏主詔寔長太后自

知所為不謹務為壅蔽母子嫌隙日深長上聲○寔漸

也壅蔽謂壅遏蔽塞而不通也嫌隙謂憎嫌間隙也時六州大都督秀容

酋長爾朱榮兵強高歡見榮即勸舉兵清帝側

長上聲酋慈秋反○六州并肆益廣恒雲也秀容縣名屬忻州酋長夷狄部帥之號爾與爾同爾朱姓榮名也清帝側謂欲誅近臣會魏主殂

而諱陵上之名故以掃清帝側為言

胡太后鳩之也後謚曰孝明皇帝爾朱榮舉兵

立孝文之姪長樂王子攸沈胡太后于河封榮

攸立子

魏主

立廣  
恭陵王

太原王還晉陽樂音洛沈去聲北海王顥奔梁梁立之遣將送入洛陽子攸出奔滎渡河來救顥走死子攸歸加滎天柱大將軍顥下老反滎蓄不臣之志魏主密謀誅之滎入手刺之爾朱世隆與爾朱兆立宗室長廣王曄入洛陽子攸遇弒後謚曰孝莊皇帝兆滎從子也曄疑世隆又以曄疎遠廢之而立孝文之姪廣陵王恭恭羽子也高歡起兵誅爾朱氏入洛陽廢恭而立孝文之孫平陽王脩脩弒恭後謚曰節閔皇帝歡自為大丞相建

分東  
西魏

府於晉陽居之魏主畏歡謀伐晉陽歡擁兵來魏主奔長安依關西大都督宇文泰以泰為大丞相歡追魏主不及遂立清河王世子善見於洛陽遷于鄴魏自道武至是一百四十九年而分為東魏西魏鄴音業○宇文姓泰名代郡先武川人善見孝文曾孫也先是熒惑入南斗梁主曰熒惑入南斗天子下殿走乃跣下殿禳之及聞脩出奔慙曰虜亦應天象邪應去聲○熒惑火星也南斗在箕星之北河漢之傍以夏秋之間昏見於南方非入地三十六度之南斗也脩至長安踰半年又與秦有隙秦

鳩之後謚曰孝武皇帝泰立南陽王寶炬寶炬乃孝

文之孫京兆王愉之子也歡與泰連年相攻戰互有勝負歡

卒遺書囑其子澄曰侯景有飛揚跋扈之志非

汝所能制堪敵景者惟慕容紹宗跋浦末反扈音戶強梁也

景果叛以河南降西魏未幾復附于梁梁封景

為河南王景使至梁梁群臣皆不欲納梁主亦

自謂我國家如金甌無一傷缺恐納景因以生

事惟朱异力勸納之使去聲异音異東魏遣慕容

容紹宗擊景景敗南走襲梁壽春據之請命梁

就以為南豫州牧壽春蓋長淮以西之要地時以為南豫州既而東

魏求成於梁意欲得景景恨梁通東魏遂反於

壽陽引兵南渡圍建康成和好也壽陽即壽春梁主自即

位以來江左久無事惟崇佛法屢捨身佛寺上

下化之通鑑梁主數幸同泰寺設無遮會釋御服持法衣行清淨大捨親為四眾講涅槃經群臣以錢一億萬奉贖表請還宮又云梁

主用釋氏法長齋斷魚肉宗廟以麵為牲嘗言宜廣為法事遂建十二層浮屠將成值景亂乃止及景逼臺城援兵至

者皆為景所敗城中飢甚為夫聲臺城在梁

主遣人與景盟以為大丞相臺城受圍五月而

梁主捨身佛寺 侯景臺

天威  
難犯

隋景入見引就三公位見音現梁主神色不變謂

景曰卿在軍中父母乃為勞景不敢仰視流汗

不能對母無同景退謂人曰吾常跨鞍對陣矢石

交下了無怖心今見蕭公使入自憎豈非天威

難犯吾不可以復見此人反懼也梁主為景所

刺飲膳亦被裁損憂憤成疾口苦索蜜不得再

曰荷荷遂殂為荷皆去聲○索求也在位十四十八

年改元者七曰天監普通大通中大通大同中

大同太清中大通中大先是太子統仁明孝儉

好學有文在東宮三十年而終統字德施小字維摩讀書五行

俱下註文選三十卷註陶詩梁主舍嫡孫而立

別子至是即位是為太宗簡文皇帝合上聲

史斷曰梁武以齊之同姓世系有考遭時昏

亂遂移齊鼎孝慈恭儉博學能文敬禮大臣

勤於庶政立贖刑條赦吉玠死徵士求言尊

經典學禮樂制度相望于冊是以天監之世

時和歲豐海內無事然晚節末路釁起蕭牆

禍成戎羯衣冠斃鋒鏑之下老幼粉我馬之

足金甌遂缺寶鼎屢移為千古所閔笑者何哉議者僉謂帝信朱异之謀貪河南之地棄與國納叛人其禍遂至於死殊不知帝崇尚釋教變夏為夷堂堂衮冕至加夷狄之衣宗廟去牲至具蔬果之薦如是則不待侯景入國而江左已為夷狄之區不待社稷變遷而宗廟已不血食矣其後臣叛其君子叛其父或頓兵自固而不急君父之難或舉州降仇而不恤宗國之亡夫以浮屠之學棄君臣絕

父子而末流之禍其烈如此有國家者尚欲崇奉其教而不悟果何為哉

○簡文皇帝名綱武帝第三子也在東宮十八年而後遇

侯景之亂既立受制於景而已湘東王繹鎮江

陵自稱假黃鉞大都督中外諸軍承制岳陽王

詒昭明太子統之第三子也鎮襄陽與繹相攻

詒遣使降于西魏以求援鉞音越詔與察同使去聲○繹武帝第七

子也承受也言中外受其節制也○東魏大將軍渤海王高澄

先是為其下所殺為去聲澄於武帝太清三年為膳奴蘭京所殺後益日



帝文襄

史斷曰高澄初為世子以好色之故幾陷其父於槃刃之下已不容誅及其嗣霸不承先志肆為悖逆幽辱其主始拘寇仇未幾膳奴之刃禍起不測天道好還有以也夫

弟洋自為丞相封齊王

世號北齊始此

逼東魏主禪位

尋弒之謚曰孝靜皇帝東魏建國一十七年而亡

史斷曰東魏之興實自孝靜于時國政盡出

高氏雖篤好文學從容沈雅何救敗亡是可慨也

西魏立梁蕭詧為梁王○魏主寶炬殂謚曰文

皇帝太子欽立○侯景自稱漢王廢梁主弒之

尸位不及三年改元者一曰大寶

尸如祭祀之尸言梁主居

其位而不得為其事猶尸主也

景立豫章王棟已而篡位

棟昭明大

子長孫

先是始興太守陳霸先起兵討景湘東王

遣王僧辯討景景篡位數月而為僧辯霸先所

敗亡走吳欲入海為其下所斬送尸建康傳首

西立西  
魏蕭詧  
梁王

侯景  
篡位

江陵截其手足送於北齊湘東王立是為元皇  
帝為傳皆去聲○時湘東王鎮江陵故傳其首於江陵以景初叛東魏而北齊受東魏禪故

截其手足送北齊也

史斷曰簡文幼而聰睿多聞博達富瞻詞藻不幸遭家不造正位宸極受制賊臣卒罹土囊之痛焉當是時太陰晝見天雨黃沙太白經天更日乃止梁祚將傾天文告變雖以才如周公猶難戡難况是文成宮體何補滅亡賊景陰篡弒之謀蕭棟陽受禪之號而建康

之梁為景汗矣

元皇帝名繹一目眇性殘忍即位于江陵自侯

景之亂州郡大半入西魏蜀亦為魏有梁自巴

陵以下至建康以長江為限眇音抄小也巴陵郡名屬湖廣今岳

州府是也○突厥攻柔然北齊擊突厥遷柔然是時

柔然衰突厥始強大突厥本西方小國姓阿史那氏世居金山之陽工於

鐵作金山狀如兜鍪其俗呼兜鍪為突厥因以為國號也○魏宇文泰廢其

主欽而立其弟廓欽遇弒○魏遣柱國于謹帥

師伐梁兵至南鄭梁主猶講老子百官戎服以

突厥始大  
宇文泰  
廢立  
魏文帝  
梁魏

後梁  
臣于魏

聽魏軍至城下梁主焚古今圖書四十萬卷歎曰文武之道今夜盡矣乃出降或問何意焚書者一曰承聖柱國官名言輔弼之臣為國家之柱石也于姓謹名也○魏取襄陽徙梁王督于江陵使稱帝屯兵守之是為後梁臣於魏王僧辯陳霸先奉晉安王稱制于建康貞陽侯淵明先是為北齊所獲至是以兵納之僧辯奉歸建康稱帝霸先殺僧辯廢淵明立晉安王是為敬皇帝淵明梁宗室也

史斷曰元帝以武帝之子揔上流之重方其京師覆沒君父告危於斯時奔走赴難可也而竟逡巡不進繼而徵兵湘州少不如意則含忍以就大事可也而遽行骨肉之誅終而簡文嗣位國祚幸存則翼戴以隆梁祚亦可也而乃不稟正朔復興成濟之謀觀其始終一念上不在其君親下不在其兄弟僥倖國釁希覲身謀師出無名何以討賊是以纒誅侯景即安江陵未越三期寇戎交逼身在漂

搖杙榷之中不思保國之計方且躬御龍光  
親講老子使百官戎服以聽不思反已猶焚  
圖書其愚蔽亦甚矣卒之喪師覆族身就拘  
囚豈非上靈降鑒此焉假手天道人事其可  
誣乎

○敬皇帝名方智元帝子也年十三即位陳霸先  
自爲丞相錄尚書事○魏太師大冢宰安定公  
宇文泰卒世子覺嗣年十五宇文護輔之未幾  
以覺爲周公護覺從兄也

宇文覺爲周公

史斷曰北周起於宇文泰因元魏擾亂孝武  
西奔遂挾天子而令之披草萊立朝廷其爲  
國也微矣然卒收威定霸以弱爲強南清江  
漢西舉巴蜀北控沙漠東據伊瀍而又得蘇  
綽之奇才脩一代之文物乃擯黜晉魏憲章  
古昔依周禮而建六官作九命以叙官爵自  
三代以來官名法度少有可觀者唯宇文氏  
耳然泰旣鳩孝武又黜廢帝迹其所爲特亂  
臣賊子之所作視賀六渾有慙德焉史謂其

功業如此能以善終吾誰欺欺天乎

魏主廓禪于周

是為後周

廓遇弒後謚曰恭皇帝西

魏建國四世凡二十三年而亡魏自道武至是通一百七十一年

史斷曰西魏自孝武西奔長安軍國大權悉由於宇文氏方坐困窮屯蹙之中而恣情縱欲為入道所不為之事不亡其何待乎文帝雖負剛斷之資而權柄久有所屬陵遲至恭帝而見滅於周矣

司馬公曰魏之先世居朔野有國久矣道武乘燕氏之衰悉舉引弓之民以憑陵中夏馬首所向無不望風奔潰南取并州東舉幽冀兵不留行而數千里之地定矣繼以明元太武兼青兗包司豫推赫連開關中梟馮弘吞遼碣虜沮渠并河右高車入臣柔然遠道自淮以北逾於大漠悉為其有子孫稱帝者百有餘年左社之盛未之有也及孝文嗣世乃賤戎狄之俗脩帝王之政崇儒雅興禮樂其

風聲文物蔚然可觀矣宣武懦弱不克荷負  
寵信讒諛賊虐親賢元氏之業於茲始衰重  
之以孝明幼冲胡后淫恣盜賊蜂起日滋月  
盛於是爾朱榮乘之而起興晉陽之甲直指  
伊洛母后幼主沉於回淵公卿百官血濡焉  
足雖孝莊勇決手刃賊臣而支黨四集禍不  
旋踵孝武惡高歡之逼逃遁入關遭宇文之  
禍不能自脫東西分裂相繼皆亡嗚呼人主  
當國家全盛之時宴安怠惰以失其威福之

柄及民心已去禍亂已成雖有明斷之才猶  
不能救况庸君乎

覺稱周天王性剛果惡護之專護弒之後謚曰

孝閔皇帝立奏之長子毓

惡去聲長上聲毓音育

史斷曰宇文覺以幼冲嗣霸曾未幾時宇文  
護遽取魏鼎而授之立國之初權歸於護政  
出私門雖負剛果之資終致蕭牆之禍以此  
開基何以永世

梁丞相陳霸先自爲相國封陳公加九錫尋進

爵爲王梁主改元者二曰紹泰太平尸位未及  
三年而禪于陳尋遇弒梁自高祖武帝至是四  
世凡五十五年而亡

史斷曰江陵陷沒元帝被擒王僧辯陳霸先  
奉敬帝還建康足未涉江齊人復以蕭淵明  
來而僧辯納之霸先殺僧辯廢淵明而敬帝  
復位當是時天心厭亂梁鼎屢更曾不數年  
竟爲霸先所取而梁亡焉考論梁之立國大  
抵夷教盛行而彝倫攸斁義方不立而僭亂

恣行侯景之難父子不相保兄弟叔姪自相  
屠正德綜綸有弒逆之心繹紀蕭誓誓無赴難  
之意簡文至痛在心爲賊所脅不敢執哀而  
反與之宴樂凶愚貪詐惟利是圖甚者蕭繹  
叔父之親也誘圓正而殺之蕭譽猶子之行  
也執元帝而辱之此其不恭不友不孝不弟  
不忠不義萃于一家是夷狄不如而禽獸之  
類耳俾當昇平且不足恃而况國已僨乎

陳

屢平寇亂

○

陳高祖武皇帝姓陳名霸先吳興人也

吳興郡名屬江

浙今湖州府

梁武帝大同中為廣州參軍廣有亂討

平之以功為將軍尋為交州司馬西江都護高

要太守督七郡諸軍屢平寇亂

高要郡名屬廣東今肇慶府是

也侯景陷臺城霸先時守始興結郡中豪傑起

兵討景先取江州為州刺史引兵會諸軍卒以

平景遂為將相於梁以至受禪即位三年殂改

元者一曰永定子二人昌頊皆以江陵陷時沒

入長安臨川王立是為世祖文皇帝

項音旭沒籍沒也

史斷曰陳高祖本自單微遭時屯剝當臺城

告急梁祚播遷選將練兵勦除元惡三年之

間遂移梁鼎篡位之後務欲儉素常膳不過

數品後宮不飾金玉然其即位纔五日禮樂

刑政百未一舉顧乃躬蹈梁武卑賤之迹出

佛牙設無遮會效胡人膜拜於觀闕前而不

知恥曾未暮年又復幸寺捨身貽謀之道果

如是乎黃塵汗衣不待賀若弼韓擒虎之來

而魄兆已先見矣



周王稱帝

○文皇帝名蒨武帝之兄子也在武帝平梁亂時已有功至是即位蒨倉甸反○周王始稱皇帝○齊主洋盡滅元氏之族前後死者凡七十一人洋殂謚曰文宣皇帝太子殷立洋在位十年史斷曰文宣因仍霸業大柄久移曾未暮年遂移魏鼎得國之初深以三方鼎峙繕甲治兵每臨行陣親受矢石屢犯艱危多至克捷至於五六年後以功業自矜遂肆酒縱欲淫昏強暴或身自歌舞盡日通宵或散髮胡服

周帝立

雜衣錦綵或袒露形體塗傅粉黛無道之極浮于獨夫晚年恣行屠戮幽二弟浚渙於地牢越歲而殺之又滅魏宗室二十五家盡赤其族得戴其元以歸地下幸矣周宇文護憚周主毓明敏有識量進毒絨之謫曰明皇帝毓弟邕立毓在位二年史斷曰明帝繼之厥鑒不遠徵前車之覆轍芟除而勦滅之可也夫何機務雖收而軍旅大權猶揔於護既不能剪夷禍根而又資以

兵柄是虎而傳翼自頌其軀哀哉若夫推付託之公心恢宇文之洪業亦足以為明矣

齊文宣帝之母弟常山王演廢其主殷為濟南王而自立尋弒殷演立一年而殂謚曰孝昭皇帝母弟長廣王湛又廢演子百年而自立後殺

百年

母弟同母弟也

史斷曰孝昭早居臺省留心政術閑明簿領吏所不逮及廢殷自立輕徭薄稅廣求民瘼內無私恩外收人望封先代之裔敦學校之

風徵召賢才文武畢集每訪左右冀求忠直于時國富兵強將圖進取之策假之以年足使秦吳肝食遠圖不遂議者實深惜之然其違趙道德之諫而行篡奪於始背妻太后之訓而教濟南王於終輕許長廣王以傳位又復立子百年為太子遂使疑怨交積而百年卒斃於亂挺之下雖稱孝友奚足尚哉

後梁主晉殂太子焜立

焜音窺○晉安於儉素不好酒色以封疆徧隘

邑居殘毀鬱鬱不得志疽發背卒

○齊王湛傳位於太子緯自

陳主  
知民  
疾苦

稱太上皇帝○陳主起自艱難知民疾苦性明  
察儉勤在位七年殂改元者二曰天嘉天康太  
子立是為廢帝臨海王難與  
難同

史斷曰文帝起自艱難備知民間疾苦專務  
儉約投籤于階寢必驚覺可謂知為政者矣

廢帝臨海王名伯宗安成王頊受遺詔輔政武頊

帝子廢帝  
諸父也○齊主湛殂謚曰武成皇帝上皇在  
位五年  
傳位於太  
子至是殂

史斷曰武成以孝昭介弟入嗣大統風度高

爽文武之官俱盡謀力有足稱者然狎愛庸  
豎委以朝權幃幕之間淫泆無度李后嫂氏  
縱慾侵凌既奪其身又殺其子未幾又困逼  
之幾抵于死此殆不可以人理斷也

陳主在位二年改元者一曰光大安成王廢為  
臨海王而自立是為高宗宣皇帝

史斷曰廢帝懦弱之君人之器及居大位政  
刑皆屬於安成王未幾為其所廢哀哉

宣皇帝名頊初陷入長安文帝時周人送頊還

陳至是即位○周主誅宇文護始親政廢佛道  
毀淫祠立通道觀以一聖賢之教觀去聲  
胡氏曰物壞則蟲育木朽則蠹生人少則禽  
獸繁氣衰則邪沴入中國之有異端也亦然  
聖王不作三綱淪九法斁於是反常悖道之  
說肆行而不可遏矣周武奮然攘而闢之其  
意善矣然終不能絕何也曰欲闢異端者必  
隆儒術求賢人明仁義興教化而後人心正  
邪說息矣周武於此闕如也又况繼以嗣子

之之狂昏哉

齊主緯多嬖寵政亂周伐之入鄴齊主傳位於  
太子恆自稱太上皇與幼主走青州為周師所  
獲殺之夷其族北齊建國六世二十八年而亡  
為去聲

史斷曰後主秉庸下之資懷易染之性輔之  
以中官媚之以聲色罕見朝臣不親政務酣  
歌醉舞奏音度曲自號無愁天子一日萬機  
委諸匪人官由財進欲以賄成亂政害民不

可盡書一旦邊塵告急顧乃攜挈嬖幸脫身  
逃竄以危邦墜業付之幼主蓋欲竊揖讓之  
美而嫁滅亡之罪於他人操心如此天所不  
容假手于周理則然矣

周主邕深沉有遠識政事嚴明稱為賢主滅齊

一年而殂壽三十六謚曰武皇帝

在位十  
八年

史斷曰武帝踐祚慮謀深遠以蒙養正及誅  
護後始親政事聽覽不倦用法嚴整身衣布  
袍不用錦綉後宮妃嬪不過十數專崇儒術

兼罷老佛而海內永康銳情閱習校兵訓武  
故能得入死力以弱為強及平齊後毀宮室  
之壯麗省妃嬪之負數雕琢之物悉賜貧民  
可謂善處勝矣然適嗣子之非才昧宗社之  
大計但欲威之捶楚期於嚴肅義方之訓豈  
若是乎

太子贇立立皇后楊氏后父隋公楊堅用事為  
上柱國大司馬贇自為太子時好昵近小人立  
未一年傳位於子闡自稱天元皇帝驕侈彌甚

又一年而殂謚曰宣皇帝實於倫反好去聲昵尼質反親狎也聞齒

友善

史斷曰宣帝即位之初即肆凶虐季父至親一朝殺之如斃犬豕喪僅逾年恣情聲樂魚龍百戲旁午殿內自是而後遊宴沉湎旬餘不出羣臣奏事悉倚宦者五后並立紀綱蕩然得保首領歿於牖下已為幸矣

楊堅為周主于隋

楊堅自為大丞相進相國隋王加九錫周主闡禪位于隋尋被弑謚曰靜帝隋主盡滅宇文氏

之族周自稱帝至是五世二十五年而亡

史斷曰靜帝越自幼冲紹茲衰亂內外挾孫

曹之詐威藩無齊代之強楊堅談笑遂移神

鼎鳴呼宇文黑獺親弑孝武黜辱廢帝把握

魏政逾二十年至其子覺遂篡取之不三四

年二主俱被弑戮未及三十年楊堅奄有其

國且赤其族俾無遺種積惡之報可畏也夫

陳主在位十四年改元者一曰太建殂太子立

是為後主長城煬公煬音漾

○

史斷曰初文帝知長子仁弱早存秦伯之心  
項於是時拜伏固辭繼以涕泣誰不信之然  
文帝之肉未寒孔奐之言尚在顧乃欺凌孤  
弱躬行篡奪其用心詐橫甚矣值時昏亂欲  
復侵疆委任凡才既得壽陽復望徐兗遂致  
師亡國蹙蓋亦宜哉且又昵愛太子以匪人  
為詹事恣長夜之飲而帝不知陳祚之亡實  
胚胎於此矣

後主長城煬公名叔寶自為太子與詹事江惣

起臨 春結 綺望 仙閣

為長夜之飲詹事東宮官名即位未幾起臨春結綺望

仙閣各高數十丈連延數十間皆以沉檀為之

金玉珠翠為之飾珠簾寶帳服玩瑰麗近古未

有沉檀並香木名其下積石為山引水為池雜

植花卉卉許偉反陳主居臨春閣貴妃張麗華

居結綺龔孔二貴嬪居望仙樓道往來貴妃貴嬪皆婦

官名江惣為宰輔不親政事日與孔範等文士侍

宴後庭謂之狎客使諸貴嬪與客唱和其曲有

玉樹後庭花等君臣酣歌自夕達旦和去聲宦官

文武  
解體

後梁  
亡

近習內外連結宗戚縱橫貨賂公行縱橫言多也或音去

聲謂放縱強橫也範與孔貴嬪結為兄妹範自謂文武

才能舉朝莫及將相微有過失即奪兵權由是

文武解體以至覆滅朝音嘲○京兆劉氏曰解體謂人心離散如手足解

脫不屬於身也○梁主崇崇歿太子琮立隋主廢而滅之

自警稱帝於江陵臣於西魏周隋所統數郡而

已凡三十三年而亡

史斷曰梁自元帝被執之後蕭警即據有江

陵遂為後梁自警及崇崇更三主大抵皆以

儉約安境內與蜀漢僅存劉祀若相似者而

作史者乃絕梁而進陳何哉蓋警昭明之子

武帝之孫元帝之從子也警為不道以姪干

叔稱藩于夷招兵入寇囚執季父居然納拜

又加詰辱俾絕宗社固天理所不容矣而况

警本為魏所立甘心附庸於魏則又與江左

立國判然而不相屬焉故綱目於警之立以

魏使稱帝書之其為國可知矣彼昭烈之漢

名正言順為漢討賊而蕭警之梁則為賊於



隋師伐陳

梁者也是安得而妄比哉

隋以晉王廣為元帥帥師伐陳廣文帝第二子揚素韓

擒虎賀若弼分道而出若音懸賀高頻為元帥

長史句問薛道衡江東可克乎對曰克之郭璞

言江東分王三百年與中國合此數將周長上聲

去聲陳主聞有隋兵謂近臣曰王氣在此彼何

為者孔範曰長江天塹豈能飛渡臣每患官卑

虜若渡江定作太尉公矣陳主以為然奏伎縱

酒賦詩不輟塹七艷反○塹濠池也言天設長

樂也賀若弼自廣陵濟江韓擒虎自橫江宵濟采

石守者皆醉擒虎遂自新林進直入朱雀門橫江

即橫塘在采石對岸采石山名在太平新林浦名在建康陳主自投景陽井

中軍人窺井將下石乃叫以繩引之與張麗華

孔貴嬪同東而上俘以歸景陽樓名其下有井

後主在位七年改元者二曰至德禎明禎音

史斷曰後主因削弱之餘踵滅亡之運不脩

內政不虞外患以天神則不事而事邪鬼以

忠直則不近而近狎昵以百姓則不恤而恤

陳帝井投

犬馬小人下流之態靡所不具是黃屋左纛  
出警入蹕之中居一小人為易曰負且乘致  
寇至其後主之謂乎

陳自高祖武帝至是五世凡三十三年而亡  
司馬公曰武帝與王僧辯同事梁室誅夷侯  
景乘時伺間卒成大功奄有江南斯亦難矣  
文帝恭勤政事足為良主孝宣值齊之衰而  
啓王逢周之興而喪師豈非不恃內而恃外  
者邪夫以陳國區區不能居天下五分之一

慄慄危懼猶不能保其社稷况後主荒淫無  
度以趣之納身管井不亦宜乎

隋 隋本作隨高祖以周齊不連寧  
處故去是作隋以是訓走故也

隋高祖文皇帝姓楊氏名堅弘農人也父忠仕  
魏及周以功封隋公堅襲爵堅生而有異及長  
相表奇異周人嘗告武帝普六茹堅有互相堅  
聞之深自晦匿  
長上聲相去聲○普六茹胡姓也  
也堅本姓楊魏恭時賜此姓也  
女為周宣帝后周靜帝立堅以太后父秉政遂  
移周祚即位九年平陳天下為一

自東晉以來  
天下分裂至

廢太子勇

是始混開皇二十年廢太子勇為庶人初帝使

勇參決政事時有損益勇性寬厚率意無矯飾

帝性節儉勇服用侈恩寵始衰勇多內寵妃無

寵死而多庶子獨孤皇后深惡之晉王廣彌自

矯飾為奪嫡計后贊帝廢勇而立廣為太子是

日天下地震惡去聲也獨孤姓也彌益也○仁壽三

王通獻策

年龍門王通詣闕獻太平十二策帝不能用罷

歸教授於河汾之間弟子自遠至者甚眾龍門縣名

屬河中即夏陽也通字仲淹門人私謚曰文中子汾水出太原府晉陽西南入河

胡氏曰隋文在位二十三年其賢其否固哲

士所量以行藏其道使王通而不知或知之

而與之言皆不足以為智矣且通誠有太平

之策不待君之求之而登門自獻不揆自處

之不重亦豈所以養其君尊德樂道之心而

望之以大有為之功哉

四年帝不豫召太子入居殿中太子預擬帝不

諱後事為書問僕射楊素得報官入誤送帝所

帝覽之大恚對音夜恚意音怒也後帝所寵陳夫

太子無禮

人出更衣為太子所逼拒之得免更音庚為去聲○逼謂欲

奸汚之也帝恠其神色有異問故夫人泣然曰太子

無禮流胡犬反帝恚抵床曰畜生何足付大事

獨孤誤我抵床以手將召故太子勇廣聞之令

右庶子張衡入侍疾因弑帝遣人縊殺勇右庶子東

官官名有左帝性嚴重勤於政事令行禁止去

聲雖畜於財賞功不吝畜音色愛養百姓勸課

農桑輕徭薄稅自奉儉薄天下化之受禪之初

民戶不滿四百萬末年踰八百萬踰過也然自以

詐力得天下猜忌苛察信受讒言功臣故舊無

終始保全者猜倉才反疑也在位二十四年改元者二

曰開皇仁壽太子立是為煬皇帝

史斷曰隋文以宇文異姓之親受周主托孤

之寄乘時幸蒙遂竊周鼎鼎及既平陳方得進

承正統躬節儉平徭賦每且視朝日昃忘倦

雖畜貨財不吝賞賜乘輿四出路逢上表者

必止輦親問分遣行人采訪吏治得失民間

疾苦罔不垂意當是時百姓繁庶衣食豐衍

突厥室韋靺鞨林邑高昌女國莫不入貢可謂盛矣然帝素不學而又濟之以刻薄之資是以專任小數而不悅詩書廢除學校而禁毀佛像甚者以讒言廢太子勇以小過殺秦王俊而父子之恩滅為獨孤所制單騎出走中夜不返而夫婦之道乖囚勇於東宮付阿摩掌之而兄弟之倫亂殺李君才戮虞慶則元勳宿將誅黜殆盡而君臣之義莫有存焉由是大禍遽興身亦不保哀哉

○營顯仁宮

開通濟渠

賜皇帝名廣開皇末立為太子至是即位首營

洛陽顯仁宮發江嶺奇材異石江嶺謂大江以北也

又求海內嘉木異草珍禽奇獸以實苑囿又開

通濟渠自長安西苑引穀洛水達于河引河入

汴引汴入泗以達于淮集覽曰穀水出穀城洛水出弘農上洛縣冢嶺

山東至河南鞏縣入河汴水出陳留浚儀陰溝至蒙為離水東入于泗泗水出兗州泗水縣陪

尾山至彭城呂梁東南入淮淮水出南陽又發平氏縣胎簪山北過桐柏山東南入海

民開邦溝入江旁築御道樹以柳邦音寒溝自名在廣陵

長安至江都置離宮四十餘所江都縣名揚州離宮猶言行

造龍舟

瀛

作清夜遊曲求濟

也宮遣入往江南造龍舟及雜船數萬艘以備遊

幸之用艘音搜西苑周二百里其內為海周十餘

里為蓬萊方丈瀛洲諸山高百餘尺臺觀宮殿

羅絡山上觀音貫海北有渠縈紆注海綠渠作十

六院門皆臨渠窮極華麗紆音迂宮樹凋落剪綵

為花葉綴之沼內亦剪綵為荷芰菱芡色渝則

易新者芰音伎菱別名也芡音久好以月夜從

宮女數千騎遊西苑作清夜遊曲馬上奏之好從

去騎皆去聲後又開永濟渠引沁水南達于河北通涿

郡沁七鵠反水名出于沁州歷又營汾陽宮在汾州北

又穿江南河自京口至餘杭餘杭縣名屬杭州八百里

置洛口倉於鞏東南原上城周二十餘里穿三

千窖鞏音拱濬名屬河南置回洛倉於洛陽北城周十里

穿三百窖窖皆容八千石十斗為石帝或如洛陽或

如江都或北巡至榆林金河或如五原巡長城

或巡河右營造巡遊無虛歲榆林縣屬雲中徵

天下鷹師至者萬餘人徵天下散樂諸蕃來朝

陳百戲於端門執絲竹者萬八千人終月而罷

置洛倉口

帝擊高麗

天駭動下

費巨萬歲以為常散上聲朝音潮巨與鉅同○

善音樂志曰魚龍爛熳優侏儒山車巨象校并種以殺馬刺驢等奇恠異端百有餘樣名曰百戲君之正門曰瑞門弦曰絲管曰竹○徵高麗王入朝不至大

業七年帝自將擊之徵天下兵會涿郡救何南

淮南江南造戎車五籍萬乘供載衣甲等乘去聲

發河南河北民夫供軍需需與須同用也言軍中所用之物也江

淮以南民夫及船運黎陽及洛口諸倉米黎陽縣名

屬瀋州舳舻千里往還常數十萬人晝夜不絕死

者相枕天下駭動百姓窮困始相聚為盜舳音逐

實建德起兵

楊玄反感

盧枕去聲○船尾曰舳船頭曰舻言首尾相接也枕藉也○漳南實建德兵

起漳南漳水之南也括地志云漳水今俗名柳河在荊州平縣南○帝所徵四

方兵皆集涿郡一百一十三萬餽運者倍之首

尾亘千餘里至遼東攻城不克諸軍大敗而還

明年再徵兵自將擊之餽饋同且居鄧切延哀也○楚公揚

玄感見朝政日紊潛謀作亂至是督運黎陽遂

反紊音問亂也督率也言督率民夫運米於黎陽也帝引軍還遣將擊

之玄感引兵趨潼關兵敗走死潼關在華陰縣帝又

如涿郡伐高麗高麗遣使請降帝還長安使去聲

李密起兵

已而如洛陽如汾陽如江都巡遊仍無虛歲汾陽

縣名屬太原○蒲山公李密兵起密少有才略志氣

雄遠輕財好士嘗乘黃牛以漢書掛牛角讀之

楚公楊素遇而奇之由是與素子玄感游少好皆去

聲初從玄感起兵玄感敗密變姓名亡匿時人

皆云楊氏將滅李氏將興又有民謠歌曰桃李

子皇后走揚州宛轉花園裏勿浪語誰道許謂

桃李子者逃亡李氏子也莫浪語誰道許者密

也密遂與群盜翟讓等起攻滎陽下之建牙統

所部西行說下諸城大獲說音稅○皇后者君也非皇帝之右妃也

揚州蓋謂揚玄感及隋也○番陽賊帥林士弘稱楚帝據江

南鄱陽縣名屬饒州府○杜伏威據歷陽○竇建德稱長

樂王樂音洛○馬邑校尉劉武周朔方郎將梁師

都各據郡起兵○李密據回洛倉略取河南諸

郡稱魏公○突厥立劉武周為定陽可汗取樓

煩定襄鴈門諸郡可汗音克寒夷狄君長之號樓煩郡屬山西今嵐州○

梁師都取雕陰弘化延安等郡自稱梁帝陳氏曰雕

陰郡屬陝西即上郡弘化郡屬鞏昌今慶陽府延安郡屬陝西今之延安府是也○金

林弘稱士 帝竇建德稱長樂 王李密 公稱魏 劉武周 定陽 可汗 梁師都 帝



薛舉 西秦 稱王  
李軌 涼 稱王  
蕭銑 梁 稱王  
王 孫

城校尉薛舉起兵隴西自稱西秦霸王王○武威

司馬李軌起兵河西自稱涼王○薛舉稱秦帝

徙據天水○蕭銑起兵巴陵自稱梁王銑音銑 後梁宣

帝曾○唐公李淵起兵太原克諸郡入長安時

大業十二年帝在江都淵遙尊為太上皇而立

代王是為恭皇帝

司馬公曰煬帝以悖逆詐謀坐承富強之業

志驕氣溢慨然慕秦皇漢武之為入窮奢極

欲兵連四夷政煩賦重盜賊蜂起而猶巡幸

不息以樂蹈憂惡聞直言善自壅蔽噫率是

道也雖禹湯文武之子孫未或不亡况隋無

積善之基乎

恭皇帝名侑煬帝之孫也年十三為李淵所立

改大業十三年為義寧元年淵自為大丞相封

唐王侑音又元德太子昭之子也○煬帝在江都淫虐日甚

酒卮不離口見中原已亂無心北歸從駕多關

中人思歸遂謀叛以許公宇文化及為主夜引

兵入宮縊殺煬帝宗室無少長皆死惟存秦王

唐公 李淵 封唐 王煬 帝 酒卮 不離 口

于隋  
唐禪

浩立之而自為大丞相擁衆而西

離從少皆去聲長上聲

許國公爵宇文姓化及名後周族也

○蕭銑稱梁王於江陵○恭

帝即位半年禪于唐隋自高祖至是三世凡三十八年而亡

史斷曰恭帝為李淵所立當是時四海土崩群盜蜂起雖欲為隋庸可得乎迹其禍亂之原尋其覆亡之兆楊堅得國之初不越月間既弒其君又赤其族使宇文氏灰飛煙滅蕩無遺燼近代滅國之禍未有若是其烈者楊

廣當父病革淫蒸父妾行甘鳥獸曾不旋踵弒父殺兄禍出不測逾年之後一日而殺其猶子者七人屠戮之慘亦略相類稱晚年身死人手至撒床簀以裏尸受禍之烈亦前代罕有語曰君以此始亦以此終隋祚之不長未為不幸也隋之創業大抵與秦皇略同而其再世亡國亦如之然秦皇焚讖書而五帝三皇以來六經之學遂亡隋皇焚讖書而秦漢晉魏以來讖記之學遂亡其利害之相反亦

足有可稱談者焉

古今歷代標題註釋十九史略通考卷四之下

